

珍

執

宦

詩

鈔

珍藪詩鈔卷一

武進莊述祖

古今體詩

初月謠

春淡不任寒舞罷衣裳舉圓紗猶半掩清影太闌珊

新綠同人分韻得微字

春色無邊燕子飛秋千池館影微微天低昨送吟鞭去
雨過初驚客夢歸風景他時思舊圃登臨幾度悵斜暉
東皇肯假生花筆未許人間信手揮

畫檻晴初花亂飛碧油如洗綠塵微白蘋日暖汀洲暮

紅豆春殘御宿稀
水護鴛鴦元是錦
樹巢翡翠卽成幃
從知芍藥多離恨
只許蒼苔伴紫薇

春風何意入羅幃
瞥見驚看綠漸肥
正待清陰來得得
少留韶景悵微微
桐花鳳小枝頭宿
撻末蛾輕葉底飛
賸有大朝金粉在
却將半面學徐妃

枝頭尚有殘英未謝

童童車蓋漏晨暉
極目平林煙靄微
空外一痕青欲斷
望中幾點碧相依
楚宮弱柳新遺翠
南國夭桃舊賜緋
怪底賣花聲寂寞
爲傳餘韻續妃豸

詩似曹劉或庶幾
畫如顧陸恐還非
吳宮絲絕輕煙暢
荀令香留蘸碧衣
魚戲東西蓮葉小
鶯隨上下柳花霏

繁華不用誇金谷可要瓊枝映九微

刹那芳訊鎮相違剪得閒愁減帶圍返照波痕清且淺
春風鬢影是邪非漢家長信初裁扇秦后何房待卷衣
惆悵桃根復桃葉渡頭煙景轉罪微

咏畫

米家潑墨擅風華宜有鶯啼更落花小艇夕陽春色裏
半天新雨醉晴霞

讀離騷

女蘿山帶晚風吹月影荒涼欲墮遲最是關情難忘處
楚冤歸後曲終時

芍藥

不隨春色鬥芳叢却送春光寂寞中
一自翻階留故事到今常把碧紗籠

題金粟影

時夜方寒月鉤尚留餘影研雪書此金粟影
余讀書小閣也

前佛後佛盡如是今賢昔賢豈獨慳
幾時慧影留法界清淺蓬萊有道山

埋頭積卷事鉛黃欲渡迷津之葦航
誰道吾無隱乎爾簷前早放一枝香

苦將短日抵長年轉憶清涼夏枕便夢聽鈞天人不覺
卽無富貴亦神仙

滿案雕蟲揚子居摩尼一拂悟真如燈花紅映簷花白
雪注蟾蜍呵凍書

咏雪

補景偏宜金粟影濡豪先透玉蟾酥憑誰借得龍標句
一片人心在玉壺

西湖

自有前賢絕妙辭敢來刻鵠續貂嗤倩書摩詰詩中畫
記得湖山些子兒

撫山範水無佳句歸騎紛披向夕陽
新麥柔桑皆在目肯教桃李占湖光

天竺

喧闐香市竺峯行莫辨梵聲與水聲
豈是金人能入夢宸章明示順民情

雨後過鶯脰湖

歸棹還經鶯脰湖雨絲風片到姑蘇
暮雲漸淡欣初霽留得春山半幅圖

湖光甚美惜少山色耳當以雲容補其闕焉

咏梨

味同沈瀝從仙掌名美含消自御羞

卽御指

渴甚相如會

作賦茂陵遺稿尚堪求

相如梨賦
見文選注

崔浩譏武侯取蜀

盤桓襄沔日漢道久凌夸園寢果不惡壞宮鄰金虎移鸞
叢終鼎足龍種待鐵基人事迴天運難令齒蟪知

讀杜詩

弦膠鳳臚寧留迹海掣鯨牙孰辨垠自是許身同稷契

不徒搔首問乾坤

杜詩喜用乾坤字皮傳者學之如賦
六合非有此者胸襟那得作爾馨語

詩人離黍王風降才子靈光魯殿存只讓昌黎乞霞佩

餘波綺麗及西崑

題宋景文詩後

子美自云詩律細騷人琢抉乃近之忽繙睡鴨池塘句

編入夔州以後詩

景文詩落花風觀閣睡鴨雨池塘得少陵晚節詩律景文固崑體然勝處

與山谷精詣相角非西江餘子所及也

口占

每笑詩人情太淡離愁別恨苦相侵而今鐵石心腸軟

見得春光便欲吟

團欒月照夜裴裊更漏徐徐莫見催花影滿庭間不掃

清光須待玉人來

落花步步知多少小燕飛飛任去留怪得朝來渾似醉

欲消愁處益增愁

鷓鴣營巢樹顛爲斲役所壞作詩傷之

小鳥依人若致辭巢傾猶剩半殘絲生來却是機緣後
不待張華賦一枝

贈牡丹

洛陽說是卿來梓富貴繁華總不如卿亦應憐寒措大
半杯冷酒一床書

牡丹

天香籠袖倚欄干欲倩人扶醉後看清賞多時花意倦
春風好護五更寒

鷓鴣

綠吟鸚鵡儘多知紅袖招來教誦詩怪得人前不肯學
偷吟二月賣新絲

蘭

氣味清芬品格幽靜中相對足淹留殷勤紉得靈均佩
待我秋風賦遠游

紅梅花

孤芳自賞却慙羨巧作緋紅照眼明誰泣素絲多反覆
錦衣公子坐吹笙

闌怨詞

綠蔭沉沉靜閉門海棠初謝黯銷魂酣春燕子啣泥懶

帶雨和花印爪痕

晏起

底事消愁更解醒
夢回驚聽賣花聲
小樓昨夜東風暝
好送春帆月下行

夜雨

鎚花細落墨花香
欲寫郵亭路短長
擁被春寒愁夜半
雨聲和夢到錢塘

春餘湯興

半榻春風人悄悄
一簾清影樹深深
更將離草芍藥一名離草
堦前植紅艷繁時任苦吟

新闢小軒半楹東向戶以納日景檻外桂二株清影婆娑有少佳致

欲向蟾宮借一枝移來蠅舍景偏宜清光滿室天香度正是風簷刻燭時

題校讎書籍目錄後

底事消磨歲月長羽陵蠹簡注丹黃年來江錦渾無夢庭草芊緜書帶香

立春後二日擬春帖子詞

仙雲低覆隨

驚路瑞茨全敷紀鳳辰

是歲丙申以歲前十月十五日立春

一札十行

寬大詔茅簷黍谷盡迴春

綵勝巧將分燕尾官花真欲惹蜂鬚
侍臣新進宜春帖
誰似當年玉局蘇

再成截句三首

春到林逋處士家梅梢着意趁韶華
欲將綵筆傳消息
爲是先春第一花

清光到處鎮清吟月透書帷入夜深
想像瓊樓最高處
分明猶抱歲寒心

底須綵樹鬥春妍詎待葭灰候律先
謝草江花隨意發
墨池春色已無邊

花朝前一日雨

春光初潤墨華滋香透芸籤花信遲幾幅屏山閒不捲
催花小雨更催詩

春寒正甚霜雪交加獨梅花屹立峭寒中共視桃李春
風相去何許走筆作小詩贈之

爲爾沉吟數舉杯韶光肯爲衆芳回只緣鐵石心腸冷
不憚風霜次第開

瑤華擬借寫離騷天路無期湯告勞君是玉皇香案吏
塵埃未染舊官袍

幾許芳菲接後塵木蘭舟上識花身婆娑么鳳驚初醒

抵得羅浮一夜春

七夕

故事聞闌殿新秋入荔幃
搗衣非羨巧獻曝念無衣
欲語乘槎者灤灤露未晞

天上傳仙契人間念遠離
欣看河鼓直無使服箱遲
萬里關山怨迢迢在夢思

鳳管清淒隔鸞旌飄渺揚秋風
怨圓扇暮雨夢高唐何處穿針閣
殷勤咏七襄

附內子和作

訓唱宜良夜含豪攬佩幃
豈緣誇寶錦珍重織萊衣

數袵陳椒醕齋心待露晞

仙佩盟初契雲輶悵昨離鳳簫聽處杳雞聲夢歸遲
子夜清商曲淒涼動遠思

鵲駕遲遲影靈思悄未揚蜘蛛休炫巧蟋蟀試歌唐
爛熳誇雲錦誰憐織女襄

新綠用舊作微字韻

秦后阿房初卷衣綠雲爭向鏡中歸壁錢不合莓苔滿
地錦從教鶯雁飛金谷繁華空舊迹碧城冷落瑣春非
何如農圃饒風景幾疊新陰上翠微

韶景闌珊花事微捲簾又見綠初肥幾多新色添書幌

無那春愁入錦機粉本誰教模蛺蝶倚聲可待學妃豨
他年不負登臨約草映恩袍柳染衣

寄豫庵內弟

月冷天香濕桂枝指痕蘸破碧琉璃爲吟宋玉鳴秋句
轉觸登山臨水時

古樹離亭夕照橫岐分南北暫屏營勉旃珍重無他語
君說蕭蕭班馬鳴

義獻書兼歆向儒閒揮宮扇品奇觚雲藍小袖坡翁帖

依竹

堂名

應添鴈鳳雛

來書云將置妾故戲之

蠹簡殘編費校讎尋章摘句枉雕搜曩來皮傳知無益

許向楊雄問字不

舊說都從別後荒殘箋常向篋中藏題詩爭似封京信

元微之句半封
京信半題詩 歸到江南第一章

寄內

淞言千里隔雲山數日離愁見一班
頗憶寒窓相對否

鐙前稚子弄金環

席帽書生興未闌敢將狂態託豪端
何時得踏花磚影

驗取芙蓉鏡裏看

書鳳閣樣後

休笑何時買生菜湯言依樣畫葫蘆
高文典冊相如後

只讓揚雄是壯夫

草閣卽目書懷

蕉綠猶侵篋藤枯尚繞樨經時人罕到入戶蝶還飛
憚秋雞屈爪留春燕歸我愚應汚汝且莫怨伊威

大雅材難繼長年水共流吾斯曾未信人也更何尤
寒到先聞雁風高欲滿樓低徊千古事不是爲傷秋

小小靈均橘芭蕉繞樹生那分雨露潤獨任雪霜并
莫便施斤斧終令得長成孤根比松柏共保後彫名

座右銘堪警聊將廢井觀有爲泉莫及補過絜難安
卽目添秋興開懷暢古權來年紅藥放拈韻一憑闌

歲寒四咏

天竺

補天靈獨契神物謝功成亘古留亭育凌空見發生大
荒經可補小正記難名桑下無三宿云何託化城

盆松

此樹亦婆娑空持不改柯拘牽生意少點綴俗情多質
有干霄在根無託地何良材須愛惜我欲訪岩阿

蠟梅

春光在何許收拾百花餘相賞驪黃外應還潔白初素
心甘澹泊暮節凜摧輿大雪繁霜裏風流獨讓渠

竹

日日尋三徑心期託此君不緣冰雪淨時露性情真直
介虛能受扶持節未伸鵲鸞在阿閣果腹背相親

臘日咏梅花戲拈酸鹽韻

吟肩斗聳玉樓寒爲惜芳菲秉燭看寫入歲朝門帖子
斷蘂風味不嫌酸

破臘花枝冷暖兼倩移春色入豪尖幾株待伴渾如雪
雪止未消日待
伴見西清詩話不數烏衣絮與鹽

立春日疊前韻

冰雪精神玉立寒背籠衣袖繞化看蓬山春色知多許

恰到江南一點酸

花韵宣教雅俗兼
瓣香未許門新尖
幽人索笑虛檐冷
遮莫吳儂唱是鹽

曉粧初試玉釵寒
倚竹輕盈帶雨看
幾點額黃描不得
畫圖省識態還酸

餞臘迎春勝事兼
宮花齊簇五雲尖
辛盤合讓調羹手
釘坐何須問虎鹽

咏紅梅花亦用前韵

清艷無雙露蕊寒
鳳城到處借花看
杏林宮纈渾難辨
認取芸香風味酸

疊穀裁羅巧樣兼檀心未吐蠟封尖花膚乞與徐熙畫
爭似詩人刮骨鹽

刮骨鹽樂府名
見權文公詩

春風昨夜剪輕寒裏許清癯耐久看圓果累累杏花雨
幾枝壓帽幾人酸

紅顏羽翼可能兼應到神山最上尖未識世間誰得似
枉教唐突等無鹽

一樣清芬一樣寒又貪吟咏又貪看金丹換骨非虛語
只是難醫措大酸

雨霽風和春色兼管城頭角老猶尖閒來便疊梅花句
墨勝尋常問米鹽

玉壺春滿貯清寒錯把凝脂酒疊看鄧尉一經

題品後暗香疎影句真酸

御製鄧尉香雪海歌畢
竟林逋寒儉相但詠香暗及

疎影

觀海頻驚香雪兼何來丹嶂碧峰尖元虛賦後思光賦
沙漉波熬擬注鹽

一昔春風盟未寒曲闌小立幾回看綠肥紅瘦鶯花老
不獨江梅結子酸

醉後醒時綺思兼月痕微露屋山尖一般風味誰堪敵

千里萼羹未下鹽

雪堂詩有未肯
將鹽下萼菜句

亭北樓東異燠寒披香博士總愁看荔支畢竟無顏色

紅顚何如青顚酸

六代繁華一夢兼
金蓮瓊樹競新尖
到今清滑京江水
生女如脂花似鹽

翠地簾垂不解寒
綠陰滿樹更誰看
楊花無賴春如雪
鎮日東風燕語酸

花影還將鬢影兼
恐教紅豆妬眉尖
柳枝未放竹枝老
愁唱空梁昔昔鹽

銀簧未煖玉笙寒
獨向春風緩帶看
碧桃紅杏寫辛酸

蘭杜清塵色相兼
欠銜一道署花尖
漆書元異蠅魚疏

只爾全才不讓鹽

周密齊東野語訓羹止渴梅全文武之才

水仙

凌波仙子翠爲裳
猶帶鮫宮夜雨涼
玉檢子函周冊府
金缸二等漢昭陽
云何吁矣魂招屈
焉用文之願解匡
脉脉神光乍離合
望塵無處獻明璫

除夜疊梅花前韻

珍瓊匣中饒歲寒
羅浮仙籍點硃看
調羹一例陳陳語
花也應嗤學究酸

裁雲縫月巧誰兼
韻絕紅梅屋角尖
研墨于今香未歇

味饒酸外不同鹽

楊誠齋謂姜堯章除夜十絕有裁雲縫月之妙思舊時曾作梅花賦研墨

予今亦自香
卽詩中句

晏溫和氣辟輕寒領取春風次第看二十四番花信早
爲傳木德正宜酸

更值千金一刻兼夜淡花底弄風尖倦家倘是庚申守
粉蕊還飛丹竈鹽

獻歲咏燈花

熙春景物扇和風點筆芸窗燭影紅窗伴弄珠花一穗
韶光先報主人翁

寄豫庵內弟

嫩黃津柳白汀蘋

輦下晴雲得句新
倘憶江鄉問風景
賣花聲裏一般春
紅尖已吐藥闌齊
緩帶沉吟日過西
記得離時花正折
東風蓆帽壓簷低

新月

煙樹蒼涼感百端
別離正值月團圓
樂只今些子娟娟影
一樣清光兩地看

遣悶

無計驅煩暑
憑虛叩碧岑
仙閒脩月斧
樵倚斲雲鐙
破曉鼃更急
知秋雁字微
遣愁如去艸
到處不勝芟
去冬草閣詩云
來年紅藥放拈韻
一憑闌戲作斷句以

補舊稿

題葉合稱牛馬走移根
元自鳳皇池芙蓉爭艷曲江上
不記阿婆塗抹時

艸色

無那登山臨水兮誰將待色
畫端倪看看一道長堤外
侶爲吳儂惜解攜

柳色

春風繪作十眉圖頻綰離愁
蹙損無啼鳥解憐攀折意
儘飛深處喚提壺

山色

雲峯真幻有無中橫側看來識化工不信神山風輒引
支頤支枕境還同

水色

是空卽色畫難真江北江南若比鄰煙景依然風土別
一甌清茗最撩人

立春

杓迴珠斗泰階陳勝事都隨景物新紫閣先時供帖子
青旂應候送耕人宮中刀尺花催發壺裏風光天與鄰
莫悵蓬瀛仙路隔筆床茶竈盡宜春

生春詩詠紙墨筆硯

何處生春早春生墨妙中金盞時泚露貝葉欲翻風小
麝蛾眉約珍犀雀瓦融古香攜滿袖準擬醉花叢
何處生春早春生綵筆中青編千古事彤管二南風積
勁緣心正含和着物融吟餘一晌足五色爛成叢

何處生春早春生繭紙中擘來吹暖雪舒去颺輕風魚
卵凝脂滑桃花艷粉融還成雙燕子飛入綺羅叢

何處生春早春生硯沼中龍形橫抱月鳳樣斲成風紫
眼輕漚活青花膩墨融此間饒歲月短韻抵殘叢

元旦

照檻朝暉麗紫穹履端初啟慶鴈鴻寒消九九梅花裏

春入雙雙燕子中
金縷欲飄仙掖柳
玉鱗纔漾曲池風
筆端自有龍蛇蟄
爲待雲雷未布空

人日雨

連纖小雨閣春陰
此日惟人試討尋
須徧蒼生教作解
早來白屋兆爲霖
酒痕黏袖春風暖
花露漙裙曉色侵
漫檢董勛禮俗問
平園先覺獲余心

柳

標格當年似爾稀
楚宮那獨重腰圍
幾絲絆得尋芳住
一闌空將送客歸
開落不爭桃李艷
往回偏惹燕鶯飛
曲江先輩頻頻換
耐底心情與染衣

牡丹放花絕少不數日從風零落作詩志感

葉葉東風向晚吹檻前花雨落如絲荀香猶自留三日
卻桂元無第二枝揮翰雅宜殘漏夜捲簾依舊好春時
湯勞楚客傷鶻鴂盡逐巫雲入夢思

芍藥

誰將餘事鬥容輝昨日東皇暫解駢蕩漾和風扶醉軟
鬟鬆細霧著花微御香冉冉雙垂袖仙骨珊珊一品衣
鳳閣更添新樣否試看金帶半腰圍

齋前四詠

鳳仙

深紅淺白滿空庭
小萼依稀作鳳形
疑是燒殘宮蠟淚
收將詩篋伴窗螢

洛陽花

雨過階除不染塵
細叢點綴碎花勻
閑疏草木尋常事
也向東都問主人

玉簪

鶴筆風流物外心
閑前相對滌塵襟
從知一片崑山價
曉露清香白筆簪

六月雪

虛室相看若有無
涼風一榻足清娛
人間炎濁何由到

寫入袁安高卧圖

簷前桂二株約今年花放正是余赴試時故有風簷刻
燭之句歸自金陵蕊未盈柔感而成咏有云爲簷簾
帽無顏色累爾遲開一月花自後碌碌無須臾之間
樹若有知應笑我爲俗物也兩窗偶暇贈以小詩
攀從月窟斲雲癭翠袖曾儼七寶闌誰倩雨聲催句急
曉窗特減幾分寒

題折枝桂

薑與梨其性士之高薪與梨其賈民之勞茲桂林之一
枝無俸其過而玩其時念茲在茲

讀素中吟

青鞵踏盡九衢塵
舊雨相看臭味真
昨夜偶吟膠漆契
長安門外怕逢人

咏筆

管城何處是生涯
黑白從他顛倒加
笑我廿年強把握
風簷委盡夢中花

寄內

風帆日日候朝暉
淮海維揚接

帝畿

北上多東南
風舟行頗速

閒數蜻蜓移棹去
幾時蝴蝶入簾飛

細添瓶水扶花妥
深貯爐香約火微
小閣清娛頗不俗

長須檢蠹曝書衣

臨岐豈不惜分袂一望鴟原威正深幾月別離何足道
吾生跋涉匪從今渴饑時繫高堂念定省難安遊子心
知我裁書雷峴日秋聲已近搗衣砧

銷暑效六一居士禁體作雪詩卽用其韻

六出飛來天上夢姑射仙人頰怒薄雲旂霧縠相逶迤
神光離合然疑作忽焉縱橫彌萬里山河汗漫增恢廓
呌譟突咬衆竅虛陽鳥戢翼蟾光爍聚星堂夜羅絲竹
賓從屢頃金鑿落輕裘緩帶座中春餘日幽風賦子貉
廬陵才子六一翁巨刃摩天意騰攫時和年豐太守醉

不學潁川奏神雀宿麥滋潤桑麻長田野行歌恣遊屬
倡茲祭體非炫巧不貪爲寶民同樂我行觸熱慚襤裼
偶諷公詩自疏瀹黜距鞬勒追古人大苦鹹酸投淡漠
玉局風流多益善更張空拳陋橫槩貂非不足非敢續
且破愁顏資噓噉

又用東坡韻

君不見宋人三年刻楮葉又不見龍公

一作頃刻花團
元冥

雪嵯峨忽作千丈峰獨立佳人與世絕哀君僵卧神自
腴陶令獨吟腰未折淺疑池面夜光鮮徧著松身古香
滅應是驪龍護領球爪牙不動鬚髯掣彌坑漫谷皆帖

妥拂葉披枝共纏纈往者羣仙此高會半天咳唾霏如屑
沃水江西濯腸胃駟逐詩魔去飄瞥歐蘇已往誰與
歸聚星佳話空能說商也言詩或起予欲向洪鑪期點
鐵

再用前韻不拘體

櫓搖斷續鳴蟬葉手把奇文嚼冰雪二公當日聊爾耳
曠隔千年稱獨絕暑風竹簟玉堂人鼓鐘長樂丹心折
幾年流落向江湖雪殘鳩鵲金明滅元冥趨走筆陣掃
蛟虵角牙赤手掣縱橫一往賈餘勇座客堂貽倦眼額
君不見紫薇花下坐揮毫當時五吏供書猶不屑仙乎

仙乎歐與蘇共誇長鯨去如瞥陰陽寒暑只須臾此旨
難爲俗人說乞與蓬窗消永日瓦池龍墨光凝鐵

題東坡紅梅詩後

要知不是塵間物須放金剛慧眼看艸木譬諸吾臭味

化工一任爾剗底從青綠分桃杏

石曼卿紅梅詩認
桃無綠葉辨杏有

青去
枝乞聲

買胭脂畫牡丹解事東坡老居士細參花裏得

微酸

坡詩數點微
酸已著枝

瑞雪

祥雲飄六出瑞應集三微繞蠟銀泥落橫空玉屑霏春

流郢客調花滿謝莊衣曉樹看新霽仙鸞何處飛

彤雲拂曙暗唐廡六出俄看瑞雪敷
弱絮起時思謝砌
疎林抹處學倪迂
鶴翎拂粉雲裝麗
花乳飛香綃幌紆
自是化工留綵筆
曹衣班扇摠難模

敗蕉

芭蕉滿院却繁霜
敗葉離披倚短牆
似扇任從捐篋久
有心早爲感秋傷
不禁青女驚殘夢
應待東皇理碎粧
爭似歲寒松栢茂
等閒相對澹相忘

五日

水底殘霞樹底花
芙蓉湖上野人家
燕飛帶雨侵簾押
蝶舞隨風落扇紗
射覆不教輸鬥草
醉吟可許代傳芭

巫陽詎解湘纍恨塘外輕雷又轉車

五日效玉溪楚宮

秦吞六國竟爲家

一作點中巫郡竟誰家

障日朝雲靈瑣斜草罷

荆臺迷雨露獵迴夢澤失煙霞環穿問社天難問盤縷

山林地有涯千載纍魂招不得枉教宋玉費才華

題卷後

担夫爭道張顛艸腕下縱橫自得之檢點蓬窗銷夏錄

試從上水問篙師

枕桐婢丈觀余舊作作詩獎借次韻答之

辨香乞得豈無緣南北追隨欲判年約我漫遊洲記十

笑他頂禮佛名千天涯何處吟佳句

枕桐春雨梨花賦
有柴門深閉何處

天涯

日下相逢歎謫仙怪道驪珠矜採取夜深獨自叩

船舷

俱是芙蓉湖畔人青鞵布屨染緇塵歸帆依舊循途穩
詩律從今識路真直以風騷追屈宋不將綺麗薄梁陳
知君曾訪支機石肯枉仙查指問津

飲酒和枕桐

秋聲獵獵水潏潏暫卸風帆遠俗喧時命每疑竊笑傳
品流羞入稗官言幾曾樽俎虛佳日欲以琴書託故園
待插茱萸重攜手酒酣耳熱叩詞源

再和前韻

小築臨流清且浚，駟墻烏雀未嫌喧。
月梧一自留佳話，枕桐贈詩云：月梧風韻記當年。
樊居有月梧書屋，卽枕桐所題。風雨經時憶贈言，賦奏
凌雲知入室。文成蕃露待窺園，箇中少寓稽生懶。莫便
移書絕巨源。

用前韻柬枕桐借文定公內外集校本

鳳麟洲上聽潺湲，洗盡塵寰箏笛喧。
此日慶雲容快覩，當年溫樹鎮無言。
有書新入崇文目，何地重尋獨樂園。
手筆祇今推小許，可能一爲證淵源。

候雁

候雁暫來賓嗷嗷欲嚮晨誰當憑羽翼且莫訴艱辛風
雨魚龍夜江湖憂樂身蒼茫一搔首喜自遠歸人

吾廬

雄辨馬非馬卮言觚不觚宦安東北戶樹種兩三株卷
帙隨時輯丹鉛到手殊吾廬在人境未敢擬潛夫

蟋蟀

蟋蟀秋聲暮蒹葭詩思涼興來聊自適境與澹相忘此
夜月千里伊人天一方殷勤理歸楫遮莫點吳霜

九日

九日難爲客將歸勝客不風霜欺短髻歲月促扁舟懶

把陶潛菊嘯登王粲樓巨川終賴濟莫嘆此生浮

讀枕桐爲石娘喚尤郎歌後題并次韻

歲在屠維斗杓西布汨吾南征逆流洄溯皇天平分四

時本無私萬籟胡爲獨憑怒意暇豫魚魚必有此震動

恪恭戒宴安而警翔步無貴賤賢愚戰慄交夢寤枕桐

子曰此古語所云石尤風也吾當闢淫昏而進以法度

抑聞王迹存乎詩勞者所歌在行路飛蓬怨衛秦騏驎

觀風典闕將誰訴有懷鬱不得通誠可懼故假正夫正

婦家室之私情倘謂從此征人應少住噫嘻天降雨兮

山川雲何有陽臺朝復暮星辰何夕會有期太石何神

祀有處是皆好事者附會况乃風霆神氣露庶物以流
形小已得失夫何與濡染大筆神鬼助卒讀舌橋心開
晤編之詩賦百六家以續樂府公無渡湘靈鼓瑟馮夷
舞纖阿弭節迴風馭爲石娘喚尤郎文儒家者流劉子
作

老驥

老驥一長鳴蕭蕭客思驚浮雲高鳥疾落日古原平帷
蓋皆君惠崎嶇獨爾誠北風時引領愁聽別離聲

城南卽日和然乙四兄韻

寒林人跡滿霜苔屋尾炊煙叱犢來暮靄鐘沉聲欲斷

片雲鳥倦影先頽玉堂舊話尋荒寺

端明寺宋胡文恭
所建以胡曾爲

端明學

蓬島餘糧指曲隈

相傳負郭田
爲狀元田

風景不多依畫

士故

格蓼花蘆葉總低徊

蠟梅

天教百卉讓芳妍鼻觀清香次第禪春到嶺梅消息好

此花早已獨開先

右丙戌歲咏蠟梅作也先大母見之許其有志且曰

此非功名中人語也迄今二十年頑然之質無所成

就追念遺訓抱痛於心而寥落疾病之餘有見於外

物之不足恃始知向所從事者雖早夜孜孜適足以

墮志而去聖賢之道日遠也然則遺訓所云蓋有在
矣小子敢不勉哉撫卷流涕而書之

珍執宦詩鈔卷二

武進莊述祖葆瑛

古今體詩

珍執宦詩

吾向以珍執名讀書之室蓋取張平子思元賦所云
御六執之珍駕游道德之平林夫以六執爲御而游
道德之林其與虛車異矣幸無半途而息乎雖然吾
所珍者六執耶抑吾心所固有耶外六執而別求所
謂道德者非妄耶非吾心之是求而求六執於其迹
者抑又妄也珍之也斯褻之矣不可以不戒迺系以

詩

吾聞昔人慕東觀謂之藏室蓬萊山鄉媛宛委目未睹
金銀宮闕非人間求之汗漫不可得退處一室思訂頑
昭然先覺若日出入我戶牖開心顏著在簡編孰有六
漢承秦弊傳之艱專門名儒相授受朽折散絕重麟編
秘府古文汜泯滅向歆力薄新莽姦吁嗟乎自秦無全
經至晉無全傳使我僂僂然冥行埴埴窮追攀詩毛禮
戴春秋高亦傳於今存者猶班班後來輩出顧居上各
阿所好私相扳末師非古務剿說羿彀未人弓已彎汗
牛充棟費歲月醬瓿驢豢宜從刪聖賢以心詔萬世我

心皆備夫何患不然讀書萬卷虛車耳豈得拊茲珍御
超塵寰作爲長歌銘座隅勿以古人糟魄來譏訕
和枕桐腔字韻

適夜扶桑檻俄迷雲霧牕長天低覆幕凍雨激飛瀧句
擅先登勝才輸餘勇扛芙蓉舉木末陴側鎮填腔
再疊前韻

鳥影行人外翮飛落綺牕小樓今夜雨客路又驚瀧鳳
紙從教擘龍文可許扛橫塘秋尚好款乃倚吳腔

食餅次枕桐韻

怪來醉帖有餘香寒具油新點玉肪今日詩豪屬誰手

題饒未許傲劉郎

讀枕桐叩舷草次來韻奉酬卽題卷後

紅豆

扣舷草中警句

詩看罩碧紗好秋時節又天涯折殘楊柳

自垂岍開遍芙蓉應到家嘉樹

謂月梧書屋

聯吟來舊雨石

闌點筆坐餘花叩舷冊子流傳日莫認尋常行路嗟

返照

返照明遙淑秋風滿客顏漁樵人去緩亭埃鳥飛閑羈

旅關河倍行藏歲月慳分陰足可惜賴以訂愚頑

渡江追和東坡遊金山寺

寒雞夜詔烏畢道晨光欲動眩銀海柵塘南下千餘里

天河澹澹三星在金鷄刷羽紅陂陀晶光激盪凌洪波
森森僵木蘇夜氣圓幹造化其功多我行仲秋理舟楫
是月立冬後十日山椒萬點霽煙青歸途喜見江楓赤
琳宮吁駭目動魄汨汨下視靈湫黑金支翠羽搖空明
塔影在水水族驚玉局風流擅才識探奇於此遇神物
只今江上看雲山臨江一洗俗艷頑我思坡仙不能已
機舟亭古峙秋水

高郵阻風雨次杭桐韻

逆風逆浪幾驚秋客路光陰速置郵頻問前途心轉退
急依高岬纔初收江湖判作他年約煙雨空留此地舟

靜聽篙工夜深語半相慰藉半相尤

校讎書籍題後

寂寞修名宰堵波滋蘭樹蕙肯蹉跎自憐已是踰淮枳
延佇些時得幾多

立秋日聞蛩

旅思空堂夢易驚暗蛩相伴作秋聲秋心舊付蓬根斷
又逐蛩聲著處生

七夕

秋雨連朝沒馬蹄
毒喧蟬噪聽應迷
客中不記陳瓜果
忽訝銀河入戶低

濟寧舟次

帆轉征途異，波迴別路殊。
絃歌行近魯，花鳥尚思吳。
山色釀成雨，溪光淡欲晡。
憑誰留粉本，寫入輞川圖。

舟行卽事

做裝時以觸熱北行解維以來風帆安穩開
或待間守風而隨境遣懷非高臥卽讀書以

消長夏故有黑

甜黃嬾云云

吳榜乘風思破萬郵亭，記里未盈千。
黑甜屢約逃煩暑，黃嬾時邀寄靜便。
一枕蟬聲楊柳岸，片帆燕影夕陽天。
筆牀茶竈隨吾適，何必乘槎始是仙。

雌霓連蜺飲水涯，長空雨過碧於揩。
快哉枕席行千里，

小艇容樵

一作居然

畫舫齋

哭岫甫姊丈四首

握手一爲別何圖慟哭迎與君同骨肉從此隔生平鵬
舍招魂返鵲原入夢驚傷心百感集回首望春明
夜雨燈花酌春畦生菜盤無聊論禿炷湯與說彈冠宋
鵬隨風退漢鵬計日搏淒涼翔鶴第追舊摠辛酸
孔李通家誼劉盧累世親祇今黃閣老猶誦白麻新鵠
鳳方聯翼驂騑會絕塵如何遽摧折念此倍傷神
家學真千古風流及見之浣青新壁壘元白避偏師尊
酒聞餘謫音塵闕幾時於今盡陳迹揮涕篋中詩
謁先賢仲子祠

仰止心方切，樞衣拜禮堂。
英靈儒氣象，廟貌古冠裳。
出丹青表，長依洙泗旁。
終身知誦法，屏立久彷徨。
每感天倫篤，遺編首重搔。
傷哉寡兄弟，何以慰劬勞。
持以表之聖，歸於義所高。
從來譏過禮，章句等牛毛。

枕桐有示子詩次其韻

扶陽餘慶盡魁殊，大樹劉家人共呼。

相國第在城北，聖名大樹頭，郡人皆

呼爲大樹劉家。

舊沼鳳毛洵美矣，新詩驥子解吟無。
芝蘭喜見

後來秀，樛櫟空慚一得愚。
華

國才猷重經術，向歆同日漢庭儒。

枕桐示白萊詩多見道語，卽事次韻。

蔬甲尋常物畦丁貿易遭壓肩霜葉冷到眼雪花翻爲
計終朝獲能教幾口溫艱辛厭藜藿狼籍委雞豚枵腹
從他飽秋風卷汝根誰當知此味士也凜斯言纖芥曾
無補藿鹽亦素殮詩人蘋藻在忠信可酌恩

尚書古今文題辭

說尚書者序以百殷周灝噩姚姒渾先民有作曰在昔
如易序卦基乾坤羸泰虐烝赫崑玉二十八宿頤餘廢
章句小儒憎大道分支析字徒紛紜古今雅故難驟通
習見枝葉忘本根摩娑倦眼澁不下口角流沫舌復捫
乃云頤川齊語異伏生老不能正言掌故略以意屬讀

見漢書注衛敬仲
定古文尚書序

後生何怪增煩昏不知今文出屋壁

太常移書班志云况伏所傳卽脫簡中書校後經討論

史遷從安國問故奧衍詰屈無厘垠湯詒古文今大誓

盤範不啻弟與第末師附尾枚

廣姚方興

後妄意禍祖推

厥孫儒林絕自林靜死

謂蘇恭
秦靜

永嘉典籍隨煨塵博士

歐陽夏侯廢漆書馬鄭王猶存奈何拊擊不遺力黨同

伐異逾秦焚盜憎主人寶玉竊誰問判白同青純曠名

聖經句指受鍊石五色天無痕僞傳空疎務勦說析市

所得彌亂真割裂書序失舊第貌者強益合者分吾取

旅葵三三策不寶遠物格遠人煌煌著道作大戒朝獻

王會垂邱墳孔子刪書不見列誓誥號令參疵醇傳尚
書家作外傳下繫汲冢非其倫歲在霜提厥皋月校定
書錄綴以文

偶成

偶關心處看花發慣逐愁來怕雨聲
舖歌槽醺仍惡醉
媿從漁父話生平

搖落

傾國傾城誰爲歌障紗隔霧眼頻華年光舊例鳥語遍
春色平分花占多空有壺觴追賞處奈將搖落引愁何
離離原草無人問碁局收來剩爛柯

蕭晨十詠

秋蘭

空谷不自持滿堂誰服媚憐爾素心人行吟獨鶴鴒

鳳仙

誰纈生紅巧離離曉露滋卻疑午渚夕清淚濕臙脂

秋色

秋色艷如此寫生輪化工愁心竟何許江上有丹楓

雞冠

取類亦不遠田家景物真紛紛籬落畔屢誤饁耕人

茉莉

涼風入紵衣和露採秋玉零落墮釵傍雲山亂心曲

芭蕉

卷葉展不盡秋風已相侵憑君寫萬遍只寫曰頭吟

游龍草

弱援風難約纖莖雨乍舒從知爾足癖不但注蟲魚

桐

梧井覆銀床轆轤聲在樹貞心白不移莫怨秋霜妬

荷

美人隔雲端投珮湘皋冷贏得葉田田秋聲良夜永

秋海棠

西施初入吳息媯未報蔡蕭蕭浣花翁論說同自檜
有感

耿雉何心觸網羅閒鷗無事任風波奕棋勝負爭些子
不道傍觀有爛柯

卽事有作

忽忽當年笑濫竿藤花廳下立斯須滑稽循吏應同傳

忖度衣冠得似無

余舉動樸野每爲
同列所笑故云

臣朔金門待詔辰三冬文史不謀身無端忽羨侏儒飽
應使曹交笑殺人

爲倪滌舟題畫蝶

生計流塵芳易零却憑粉本託巢螟南華未是忘情者
誰喚遽然一夢醒

悵落花

盡逐東風不自持幾回繞樹惜芳時飄茵墮溷都無著
已落何曾復故枝

暫息

暫息塵寰車馬喧閉關日誦五千言阿誰過詫蓬山好
仙吏吾家舊漆園

題同年張敬亭小照

本是承明著作才仙風不引到蓬萊和羹心事鳴琴日

欲把梅花滿縣栽

梅花清絕照寒夜屋角籬邊鄉味諳我有閑愁無畫處
展圖身已到江南

聽唱驪駒便憶家朋襟聚散揔天涯那禁玉笛催離思
看取樽前有落花

題同年陳谿范白日掩荆圖

底事先生晝掩關塵纓才縛許身閒他年共作煙波約
早晚掣舟任往還

六闕新詩在碧紗文章政事並專家卽看薤草知深意
好護春陰滿縣花

題洪稚存編修城東訪月圖

既月何如秉燭遊歸心只羨水東流白雲溪口花橋畔
拋却清光兩度秋

良霄每與月圓期我愛纖纖弭上時待得最明三五夜
桂花已是欲殘枝

繞樹驚烏月可依羈魂一昔逐南飛夢中識路垂楊下
燈影如星喚渡歸

添畫蓬山粉本新眼前咫尺判仙塵故鄉今夜城東月
寄語煙蘿莫笑人

席間話舊贈敬亭

得意看花年少時恨無名筆寫瓊枝祇今舊事憑誰說
一首黃河遠上詞

落葉

彈指年光只剎那離鴻歸燕漸蹉跎被池一夜寒如水
起視階前落葉多

雜詩

枉有陳編飽蠹魚由來章句失拘墟漢人不解孫卿蔽
遺誚司空城旦書

少小何曾未麥分強將筆舌代耕耘而今始悔謀生拙
閒却江南幾畝雲

春帖

雁歸春到處魚上水融時羣鰌從何君先從動復知
草木潛孚甲薰然葆太和靜觀消長理此意莫蹉跎
卅載尋章句雕蟲誤半生申勤七篇內集義記齋名
何事慚兒子詩書遺以安還將潔白志膝下共承歡

黃薔薇

錯落明缸壁帶圍昭陽宮裏鬪芳菲嬌羞朝日障紅袖

黃色特嫩見
日卽焉紅

背立春風怨綠衣舞盡麴塵隣柳弱歌殘

金縷任鶯飛一般合遣花王妬分得天香露未晞

薔薇
黃者

色貴而香稍減但朝
露初含微聞芳澤耳

追賦新綠仍用舊作五微韻

寒食清明騰踏去較量何術駐芳菲年光正好梨花謝
春色無邊燕子飛爛漫忽參空外相繁華誰解靜中機
盡來屏障長留看奈著丹黃境便非

記夢

兩載離家百慮侵冬缸無焰擁寒衾生涯竟付薪同盡
旅夢何堪蝶共尋百合自開零砌滿薔薇任長刺簷深
小樓西畔簾垂地記得三春伴苦吟

得家書言亡妻墓已封志感

聞說新阡營已畢黔婁夫婦作槃阿數行那計滄桑日

一掬空留窄堵波草草世途憐我住
熒熒泉路奈君何
百年頃刻都如此贏得終宵淚眼多

漫成

兀兀終朝渾似醉軟紅塵裏一閒身
刻成宋楮空經歲
催放唐花不待春遲縱巧工還是拙
速雖天造亦由人
須知遲速都歸幻莫枉心思認作真

松柏

漆黑前途試問津眼中好醜襍然陳
燕尋華屋宜知作
何須主馬負鹽車屢顧人熱客只矜
長衷舞窮交轉怕白
頭新化工隨分安排在松柏凌寒花
放春

喜雪晚晴卽境有作

蕭條雨雪侵階滿狼藉飛花到眼新
老樹著來偏爛漫斜陽照得倍精神
歸心夜夢江梅數暖氣潛催蠶雁頻
待至雁回梅放後故園又過一年春

晚眺卽目

日照城隅雪滿陂寒原晚景亦相宜
烏知反哺投林急馬惜障泥過水遲
幾費稻粱餘飲啄好全志節任驅馳
憐他羽翼兼筋骨堪送光陰歷許時

舊作閏七夕詩偶忘落句足成四韻

小別將年約其如一水何幾逢今夕
閏能得兩回過舊

淚滋雲錦新愁冷月梭世人爭乞巧巧受折磨多

寒夜憶秋蛩

候隨庭綠變聲到枕函收燭暗花垂燼簾開月上鉤依
依思昨夜草草話新秋只道鳴秋苦秋還不暫留

憶聽秋蛩長不寐秋蛩切切話如何肯依人熱生涯窄
偏爲秋悲意緒多但想繁霜令蕉萃更愁虛籟亂吟哦
知君秋士耽秋思應惜鳴秋勞者歌

寒暑推遷物候新之蟲辛苦付蕭晨蛙喧鼓吹趨炎夏
鸚弄笙簧泥好春祖席正當初散後天涯應有未歸人
者回滋味誰消得兩度秋蛩聽倍真

又雪

雪接前旬猶待伴半隨風捲半輪蹄連藁散作霏花雨
九陌融如落絮泥客髻不禁侵歲短塵容難免向人低
何如僵臥袁安巷却到岐途任自迷

張嘉回詢知家中事書寄兒子廉甲

人自江南初臘到茫然且喜足音聞倚閭望說差爲慰
附雁書應轉益勤汝志能甘貧似洗我愁那遣緒交勞
蘆簾紙閣還依舊春草看生德曜墳

抒懷答法時帆學士見贈之作卽次元韻

塵容僕僕歲侵尋分隔同聲著作林一昨追攀從杏苑

十年寥落剩蓬心應憐折鄰鹽車困喜聽祥噫阿閣深
若問箕裘慚舊業枉勞拂拭響餘琴

春暮偶成

夢到華胥一晌賒送春今日又天涯勸君好處休貪住
幾樹殘鶯滿地花

到濰縣

冷落一樽酒離披數朶花去來俱是客得住便爲家

傳舍

自來傳舍肯容閒數點鴻泥迹可刪記得板橋曾策蹇
揚州東去是家山

丹穴

丹穴欣看舊羽儀
珍羣翮翮樂清時
寒蟬瘖過重陽後
也噪西風斷柳絲

述夢

寒宵枯坐類逃虛
忽夢春風二月初
幾畝柔桑栗留語
一池淺水沾東書
花從絕境非甘隱
艸有生机詎忍鋤
臍膊寒雞催漏盡
似憐蝸角斲螯餘

讀枯樹賦有感

當年作賦庾蘭成
何事心中恨未平
此樹婆娑生意盡
不勞風雨迸秋聲

冬夜讀書

秉燭正貪冬夜永每聽漏下輒忡忡
飢鳥繞樹非關月落葉辭枝不待風
書溯自唐元渾渾詩沿至魏尚淪淪
經生事業曾何有只在塵堆故紙中

書懷

倦遊枉自擲年華回想春明夢亦賒
泔泔統難羞詭遇無何鄉豈是生涯
千頭待種湘纍橘七試空迷秦客花
反覆鑿楹遺訓在析薪負荷重咨嗟

初葬亡妻封而不樹及改葬北郊之芮村
長子已夭諸子嗣孫皆幼荒煙蔓楚
根觸於懷不得已蒔松千株

礫以檜柏石楠冬青豈有十年之計姑以塞目前之
悲云爾

改窆新阡未有銘松苗疎布識幽局他年攜手煙霄日
認取微塵一點青

檢亡兒詩文志感

掩卷茫然有所思十三年夢覺還疑無端遼海歸何晚
誰解完山響更悲涼月空庭煙漠漠萎花暗砌葉垂垂
人生回首都成夢夢覺相尋到幾時

題濰邑學校諸君及諸游好贈行詩卷後

三宿不留桑下戀七年應歎鶴歸遲殷勤觴詠慙何報

爲誦陶家乞食詩

詠燕

海雲飛滯羽毛衰
蟄盡春風二月時
反哺能無同類羨
卑栖剝有衆雛癡
茅檐舊識元相狎
畫閣新開亦不辭
爲語主人憐病翅
去來莫遣社公知

病中自訟

當年悔不事躬耕
誤玷儒冠逐隊行
玷習空來花任著
飄零淨後樹無聲
欲探宛委輕千劫
曾寫楞伽待再生
月旦何如蓋棺論
呼牛呼馬莫呼卿

口占

落葉衡門歲欲殘
空倉雀晚曉霜寒
潛夫裘足君知否
問雁呼卿一例看

樊榭落梅詩哀艷新麗反其意以廣之

疎籬斜角屋山頭瘦影珊珊月一鉤
天闕東風難遣恨飄零寸土可埋憂
碧桃天上僧祇劫紅葉人間斷續流
碎作微塵更何有只緣貪著訴閑愁

漢宮怨

詔賜自昭陽屏風且待張溫央誰畫得三箇不成行

絕句三首

衆稱元白歌行久肯讓宮詞別擅能解唱一聲河滿子

惡詩應早薄徐凝

長慶詩人絕代名樊川有激故相輕流傳樂府開元曲

爭抑狂奴學婢聲

祐詩云喜是狂奴態羞爲老婢聲蓋斥徐且刺白也

要知月旦無公論須待權衡出後人天際冥鴻詩上品

誰偷佛寺牡丹春

紅梅

照檻紅羅艷那矜色相殊儂來香雪海新網得珊瑚
香滿鴛鴦燕籠紗隔霧看椒泥涼月淡垂手玉闌干
心醉牡丹時生綃寫折枝底塵高士品也認作臙脂
日下鸞枝似無香只有花江南春色早隨分老煙霞

二月九日雪

雷聲喧昨夜
霑灑徧枯荻
虛牖俄生白
梨花月夜猜
齊唱竹枝歌
醍醐春澤多
羊車聽更遠
繞砌撒鹽那
白桃花

琪樹倚朝煙
珊珊骨是仙
更嫌脂粉沬
風露淨娟娟
照夜非關月
凌寒尚訝霜
春風莫相妬
吹絮滿池塘
風箏

怪底爲兒戲
棄風遽許高
是非無計遣
吹萬向嘈嘈
白芍藥

漫將冷熱認
榮枯盡得風
流一字無
婪尾逡巡驚
燕老

紅顏翻羨白髭鬚

一春花事去忽忽尺素長緘
蘭栗中待坼恐驚塵外品
泥他萬紫與千紅

詩到江東信軼才許卿近侍
比鹽梅不爭三閔清平調
素面朝天一笑來

渴思絕品欲憑闌病怯風時
花怯寒滯久不知何日放
開遲猶得幾回看誰言紅藥
惟矜色深苦詩人只愛官
洗盡俗塵才一現刻灰惆悵
又無端

粉本爭傳訝逼真淋漓朝露
一枝新色從何處元非白
花到開時各有春隨分年光
來得得任情酬答亦陳陳

木蘭洲上殷勤望知是花身是客身

片時刻楮讓天工雪未融泥爪認鴻那得不經人道語
臙脂買盡鎮書空

不禁飛絮去天涯春到荼蘼夢亦賒雪樣祥延加愛惜
護他一點守宮砂

大名殊錫花王貴戲剪桐珪合拜侯調鼎似聞爰立命
白麻依樣草詞頭

東皇布令獨來遲綽約丰神冰雪姿不恨綵雲容易散
生生莫見後彫時

折得瑤華學楚吟室生虛白息深深比將紅葉翻階句

便是昭文不鼓琴

不教南郭濫吹竽先舞霓裳後六銖春色三分齊爛熳
黃河一首獨踟躕愁生曉露光難駐恨入東風淡欲無
供佛從僧求得句諸花香散玉盤盂

累累萼重跗態盡妍會逢玉局獨流傳平泉草木歸何有

普作

去聲

檀波羅蜜緣

東坡玉盤盂詩序云得之於城北蘇氏園中周宰相嘗公之別業也

枇杷

今雨不來靜閉關青梅紅杏杳難攀漫教秦樹名相冒

猶憶錢塘夢乍還

枇杷以越絕爲最佳甲午歲余偕亡妻至杭時果尚未熟也三十餘年一

夢思之

脾蜜未傾仙掌露額黃空對夕陽山紗窗繡戶

黯然

能消此應笑衰羸口腹慳

競渡

嘈嘈人海鎮喧闐肯爲靈均一慙然耳畔歌聲猶昔日
眼前樂事過中年強扶危檻空惆悵垂望平流自邈縣
默證觀河稽首問更將筏喻與誰傳

題揚澹齋高山流水圖

自是成連海上音知音去後摠沾襟

謂卷中洪北江編修

若教身

外求知已應還終身罷鼓琴

爲改新詩暝據梧聯吟里社列仙懼君家子雲讀千賦
那見雕蟲非壯夫

玉垂首言金卷二
蒼顏鏡裏咤朱顏羽翼神仙不可攀識得畫圖真作寫
箇中流水又高山

水相續流催髮白山不在高到眼青此間有曲春益益
非指非弭子細聽

雁來紅

少年銳志逐飄蓬投老空憑一畝宮塞雁來時回首望
故將軍詫錦袍紅

雁字

征衣纔寄滿砧霜漠漠寒空雁數行過盡不曾留一字
恐留離恨斷人腸

小院牡丹高且瘦花小而色淡開時又遭風雨作詩傷之

那將富貴說風流一似陳陳花也羞家令病來量帶減明妃去後按圖求可勝憔悴關人意不待飄零動客愁欲訴春光無一語此生祇合伴黔婁

代花答

悲翁何事訴春光識得春光無盡藏莫道一般閑草木曾經幾度閱滄桑誇張富貴園亭主徵逐風流遊冶郎都是不堪回首處些些開落費平章

讀左雜詠

赤唯傳大義高獨受微言百二寶書富于斯十一存
劉歆未受左古字古言多妄意開經例訟訛轉益訛
褒諱難書見良由口授傳邱明傳更近此例幾時編
隱始宜承惠平終卽繼桓編年異經例莫執後先看
春秋世亂極日月織如梭布算何由得從知理不訛
連月日頻食襄昭事益紛不觀經輝灋象只在人君
日行隨日異立法得平行歲實從茲定差分本易明
恒星占動變不過一星移安得移樞極重修赤道規
太歲超辰法劉歆三統傳四分長當歲古法遂全捐
誤又重滋誤辰專指北辰星差說頗近鄭服義誰申

帝繫軒轅始儒家項譽承金天何闕略郊禘禮無徵
左異專門例蒐羅在博文試看論祀典三策訂紛紜
祈穀行郊禮三王夏正同魯郊常祀別卜祀在郊宮
魯有周郊禮微言是用郊秋郊成世止肄業解僖嘲
灌用周黃目王朝禮獨尊如何兼四代每事問司存
虞練有時日云何作主書僖官明不毀其度有加初
逆祀還從祀西宮與煬宮吾從穀梁子取折兩家中
成世桓當毀同仇武作官遂開雍俗僭行父只貪功
象箭同韶箭潛銷干戚形太平昭盛德維邑姬虞廷
豐芑詒謀在文猶有憾然武終三象入簫舞九成全

王罔非天嗣諸侯重始封子臣同一例不比族從宗
詩降雨無正邦君朝宿輕封疆隨自廣假許復歸祊
王弟初東徙平桓九族親倘存行葦意何獨變風鄰
遂殉驪山禍如公濟美稀直教千載下猶欲詠緇衣
悟生先犯順周道遂無綱終始春秋世張皇祇救亡
大藩唯魯衛可靖兩京塵嗣世何衰颯王畿付楚秦
息在周男服王風取次排大車章守節不使襍淫哇
遠宅偏無薄陰符衰世謀大哉齊敬仲盟貫告嘉猷
亡滅不能救桓方引已羞如何文繼伯下國憶郇侯
借問師城濮何如次召陵謀新卽舍舊興亡誦聽能徵

賞罰操民柄人心向背分飯蔬甘沒齒逃賞不酬勛
義辜賞好輩河山誓永宣兩言懸日月何史更非經
晉楚交爭勢先機燭范山無王同一轍莊悼伯應刪
夫去緣悲紀何心九世仇有人傷魯道敝笥不知羞
納鼎陳清廟觀魚論治

借讀去聲

兵一言功德立逆祀有誰

爭

不朽非公論辜連到立言倘然逢海鳥休去訪臧孫
世族嚴昭穆孫從王父躋春秋名氏例不與仲嬰齊
叔胥世多賢公卿脫展然阿誰工龍斷奪得李家權
日食胡爲哭譏同無病呻到頭祈死日一慟乃純臣

正議鴛鴦對妖言鸛鵒謠五年芒在背宋父那能驕
吾愛子家子雞羣鶴矯然孤臣垂血淚不洒魯人前
義不共天下曾何論市朝君爲魯郊死一出恨難銷
草莽從亡義屠羊與鑢金爲氓齊亦魯接浙本無心
輦病登城嘆遺言獲罪由何如念他日不雪舌庸羞
魯門凡十二地志闕龍門事出春秋緯無益過以存
共伯終殪世猶然飾兩髦柏舟鄘邶并魯故短于毛
黃帝歸藏易宜民在正名君臣由父子序卦說分明
稱子三年內誰爲無父人笑他王父命子字辨非真
尊養非常禮諸侯父亦宜曾何一劓蹟位置苦駢枝

孔轍頻經衛何心無道靈優游維卒歲更十四圓星
燔臺誰共證倉卒事難明不廢君臣義千秋仰結纓
子伯初臣孔公朝亦並登此風猶近古不獨老成能
朝內乘軒鶴官中孺子牛不知緣底事敗亂兩悠悠
國且非其國臣無以宅爲堤防流水逝歸貴要君知
紛然枝葉落心死不知危相對孤臣泣完山響獨悲
野老珍家鶯情將羔雁齊大夫爭底事擾亂爲雙雞
澤鰕御同音御連宮苑齊官侍鰕親藿蒲不在海那得守鰕
人

曲沃初兼晉鯨吞自號虞南陽開益大周索日荒蕪

歸妹張弧伏成軍袍服雄九人重耳在生長與兵終
晉有勤王績文侯策尚新如何數世後七命賜他人
食踐行軍信辭爲專對才如何濟洹水清淚滿瓊瑰
政失六卿多權歸三晉分醫和大臣論直欲媿皇墳
執手如皋射驪明賞一言辛來祁氏縣餘燼共誰論
盜馬人三百推鋒解敵圍軍刑多鍛鍊斬鄭獄攸歸
板屋人如玉周家教澤長如何令國士歲歲理袍裳
誰似汎舟役能矜敵國民雄心無那老宰樹笑陳人
黃髮番番老傷心說二陵他時鄉師哭風雨骨峻嶒
晉楚非無士三良曷殉秦好賢懷獨遠來就古謀人

帝系從開漢臣謀不售秦祗今傳贈策遺恨國無人
襄始興戎俗年年事甲兵薰葭入宛在弼誦想希聲
開國承家日如何用爾曹寺人和媚子漸染到斯高
捲旆收烏幕居然入楚宮蒼黃射師諫不護毀家忠
可惜虞邱子空教一笑傳中軍未改命新薦薦敖賢

沈尹虞邱後詔由王子罷諸梁詳世本社襲誘應規

高誘

呂覽慎行篇注以沈尹成爲莊王之孫

翠被珊瑚鞭乾谿雨雪天軍中有倚相墳典雜戈鋌
幾日從容語新招訪鄭丹差強帳中舞汾夏水聲寒
伍胥雖報楚驅獸入人都誰置魚中劍王孫有恨無

蔡仲封何晚書同菜誓編當時弔二叔作命涕潛焉
空籍難探續悲陳屢破亡田齊推繫世敬仲事偏詳
虞亡辭甚略劍玉闕狂童慣以貪招禍頑言作寓公
卑賤難爲惠能名救世心誰歟衆人母抱哺免交侵
吳伯徵求急虛辭假乞糧公孫庚癸諾貨戶巧相當
置褚謀逃楚同車載入秦謂君慚出守遙此兩賢真
少皞金天紀官名鄰子詳知非中國學紀近薄高陽
示兒子又朔

萬古江河孰問津蘭茗翡翠鬪鮮新徐書庾賦千回讀
應與齊梁作後塵